

Martin Candinas sesa sper la favorita

■ (anr/vi) Sco emprim elegia il parlament federal damaun la successura per cussegliera federala Doris Leuthard. Lura sa drizzan las cameras sin Viola Amherd e Heidi Z'graggen. Gist sper la favorita da la pcd sesa Martin Candinas.

Vus sesis sper Viola Amherd en il cussegl naziunal. Avais Vus senti'ls ultims dis l'alteraziun da la candidata?

Martin Candinas: Jau smirveg' quant ruassaivla ch'ella è en questa situaziun, pertge i marscha propi fitg bler ed jau vesel quantas persunas che vulan discurre cun ella e co che las medias vegnan incuntin. Cun quest entir program hai jau il sentiment ch'ella restia tuttina ruassaivla e na sa laschia betg irritar.

Sch'ella è damaun gnervusa, vegniss Vus ad empruvar da la calmar?

Jau na crai betg che Viola haja da bassegn ch'jau tegnia la manutta (el storir). Ma igl è cler ch'ins vegn a discurre ed ad analisar ils resultats dals scrutinis. Nus discurren fitg direct in cun l'auter e schain tge che plascha e tge betg.

Per tgenina candidata da la pcd vottais Vus?

Nus avain duas fitg bunas e valablas candidatas. Cun Heidi sun jau stà plirs onns en il presidi da partida e cun Viola sesel jau dapi ch'jau politisesch a Berna en la cumissiun da traffic e da telecomunicaziun. Ella ha atgnamain gjavischà ch'jau sorprendia e

mainia la delegaziun da la pcd en questa cumissiun. Ella è era quella c'ha fatg amogna a mai da vegnir a seser en la retscha davos en il cussegl naziunal. Jau enconusch omaduas candidatas bain. Da la lavur e da la persuna ennà enconusch jau sa chapescha Viola in pau meglier e perquai èn mias simpatias per sia candidatura fitg grondas.

Vus schais che Viola Amherd haja procurà che Vus sesias en la retscha davos nua ch'ils magnats e las magnatas da la fracziun prendan plaz. Pon ins dir ch'ella è Vossa madretscha politica?

Jau na schess uss betg gist h'ella saja mia madretscha. Ma cura ch'jau hai cumenzà en il cussegl naziunal e sun ve-

gnì en la cumissiun da traffic era ella segir ina persuna da confidenza cun la quala jau hai g' in contact intensiv. Nus essan sa chapids da bell'entschatta. Ella m'ha motivà differentas giadas da far pledader da cumissiun, era sch'jau aveva pir cumenzà en il parlament. Ella ha adina promovì era novs u insumma il cuntorn e mai vulì esser mo ella en il center ed il timun.



Viola Amherd.

MAD



Martin Candinas.

KEYSTONE